

No. 206. 1439. 12. Juni.

Der Rath und die Geschwornen vergleichen sich mit Clara der Wittwe des Hans Pruss wegen der aus der Amtsführung ihres früheren Ehemanns Meister Nicolaus Thirmann herrührenden städtischen Forderungen.

Wir ratmanne vnd gesworne zu Dresden Hanns Quwestewicz burgermeister, Hanns Radeberg, Nickel Munczemeister, Hanns Munczemeister, Niclas Moller, Peter Czutezk, Nickel Proles, Francze Beberach, Hanns Goran, Jorge Schyle, Hanns Mirisch vnd Andreas Kapphan bekennen —, das wir mit gutem vorrate wissen vnd willen des alden rates, hanntwergker vnd der ganczen gemeyne vns mit der erbarñ frauwen Claran Hannse Prussen seligen witwen wmb alle bruche vnd schelunge, die wir von des rates vnd der stad wegin gein ir gehabt haben von meister Niclas Thirmannes ires vorigen mannes wegin, so im got gnedig sy°, vnd nemelichin vmb rechenunge, die er deme rate von dryen iaren solde getan haben, vmb den hof vnd schune hinder der pfarre, vmb xxx ß gr. ern Lorencze Richardte seligen anlangende, dauor der stad brif vnd ingesigel stehit mit ander schulde, vnd x ß grosschen gehorende zcu deme altare Birkenhayns, gutlichin vnd fruntlichin vortragen vnd geeynt haben, also daz sie vns ires teils an deme obgenanten hofe vnd schune hinder der pfarre abgetreten, geweret vnd sich des gancz vorczegin had vor sich vnd ire erben vnd die obgenanten geltschulde als xxx ß vnd x gr. vf sich nemen vnd bezalen sal adir die mit IIII ß^{en} gr., die wile sie vnbezalt sin, ierlichen vorczinsen vnd deme rate von der stad wegin eine wissenschafft mit iren gutern dauor thun nach redlichkeit; so sal die obgenante frauw Clara aller geschosse vnd rechnunge von geschosse, salczmergkten, kalke vnd czigele den rate adir die stad anlangende biß vf dise cziit von des obgenanten meister Niclas Thirmannes seligin wegin gancz obirtragen sin vnd alle bruche vnd schelunge czwischen deme rate von der stad wegin vnd der obgenanten frauwen Claran vmb solche obinberurte vnd alle ander stücke den rat vnd die stad anlangende vnd nicht die ampte sullen damete gancz gütlichin vnd fruntlichin entsaczt vnd bericht sin, daz denne er Johans Terrembach vnser pfarrer vnd Vrban Hoikendorff vnser metegesworner von der frauwen wegin an vns brocht vnd mit vns also betedinget haben vnd die frauw obgenant selbs ouch in vnserm siczenden rate williglichin vnd vnbetwungelichin also zu halden gelobet had. Des zu bekentnuß 2c. Datum anno 2c XXXIX° feria sexta post octavas Corporis Christi.

Nach einer gleichzeitigen Abschrift im Rathsarchiv zu Dresden.